

DUBE : 13 – 15 SEPTEMBER



Rietvallei het 'n hele paar jaar gelede by Dube gekamp en was die verandering en opgradering van die kampterrein verrassend. Nuwe ablusieblokke, 'n onderdak warm swembad en jacuzzi's en 'n nuwe kiosk is onder andere aangebring. Die kampterrein is ook netjies omhein.

Vrydagmiddag, kort na 17:00 is die vure aangesteek en het die Rietvalleiers met hul stoele, tafeltjies en piekniekmandjies onder die groot boom rondom die vure vergader vir 'n bring en braai. Dit was 'n kuier van 'n ander aard. Boekevat en registrasie het selfs 'n halfuur later as beplan, plaasgevind.



Hierbo sorg Klaus dat die vure hoog brand en onder neem Klaus en Anet die boekevat waar.





Saterdag het die meeste van ons laat geslaap en die dag rustig begin. Laat ontbyt, kuier, stap, swem, middagslapies was aan die orde van die dag. Dit was 'n heerlike warm naweek en die koue swembad het groot aftrek gekry. Sommige kampers was braaf genoeg om die hitte te trotseer en te gaan stap om die diere in die natuur en langs die watergate te geniet. Gelukkig is die lapa daar wat heerlike koue koeldrank en ander vloeibare versnaperinge te koop aanbied. Saterdagmiddag na boekvat is die vure aangestek vir die gebruiklike buurmanbraai – waar daar weer dik stukke gekuier is. Die Sondagoggend program was ook anders as gewoonlik.

Jacques wat ook by tye vir ons 'n boodskap bring, het na die kindertjies se geestelike welsyn omgesien. Klaus (foto links) het gesorg vir 'n CD-boodskap wat gehandel het oor hoop en geloof in God. Tjaart het die afsluiting hanteer waartydens hy lief en leed gedeel het en ook 'n aantal



toekennings oorhandig het. Die getal gesinne wat gekamp het was 15 asook 1 besoeker. Daarna het ons gesellig verkeer rondom 'n tafel wat gekreun het onder al die koek en versnaperinge. En toe was dit weer tyd om die pale te laat val en huiswaarts te keer. Darem jammer dat 'n kampteweek so vinnig verby gaan!!! Klaus en Anet

Mel en Lettie Ueckermann ontvang die Gebieds Eretoekenning vir velerlei insette op gebiedsvlak. Mel was vir die afgelope 7 jaar onder andere verteenwoordiger van Waterberg Streek, Gebiedsekretaris, Ondervoorsitter asook Penningmeester. Hieronder oorhandig Tjaart die toekenning.



Tjaart en Marietjie ontvang hul 90ste streeksaamtrekplaatjie van Hans (links).



Regs oorhandig Tjaart die kamp-kommandanteplaatjie aan Anet en Klaus.





Bo: So word mos gesmul aan die lekkernye waarvan daar 'n fees was. Onder oorhandig Mel Ueckermann aan Tinus en Elsie Vorster hul besoekersplaatjie en links is Helena die gelukkige wenner van die hamer geskenk deur Tinel. Helene het blybaar deur die nag geswot.

